

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A ASOCIACIÓN CLÚSTER ALIMENTARIO DE GALICIA PARA A MELLORA COMPETITIVA DAS EMPRESAS DO MAR NO ANO 2025

En Santiago de Compostela, ás 12:30 horas do 17 de xaneiro de 2025

REUNIDOS

Dunha parte, don Alfonso Villares Bermúdez, conselleiro do Mar, nomeado polo Decreto 44/2024, de 14 de abril, actuando en nome e representación da Consellería do Mar, en virtude das facultades recoñecidas polo artigo 34 da Lei 1/1983, do 22 de febreiro, de normas reguladoras da Xunta e da súa presidencia.

E doutra, D. Andrés Rodríguez Gómez, con DNI 44455172J, en representación da Asociación Clúster Alimentario de Galicia (CLUSAGA), CIF G27407212, coas facultades recoñecidas na Resolución do 14 de xullo de 2023 pola que se inscribe a xunta directivada ASOCIACIÓN CLUSTER ALIMENTARIO DE GALICIA.

EXPOÑEN

PRIMEIRO:

Que a actividade pesqueira, marisqueira e acuícola é un dos principais motores da economía galega que sitúa a Galicia, pola riqueza da súa produción, como a primeira das comunidades pesqueiras da Unión Europea

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento legislativo e a execución da lexislación do

Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

O Clúster Alimentario de Galicia (Clusaga) é unha organización plurisectorial que artella a estrutura organizada do sector alimentario galego, en senso amplo, con empresas, entidades de investigación e innovación e outras organizacións, integrándoos en procesos de cooperación. O liderado do Clúster Alimentario de Galicia baséase en transformar visións e plans en accións, atopando os medios e a enerxía para desenvolver novas ideas, coa sofisticación de estratexias empresariais, e creando solucións prácticas aproveitando as oportunidades para abordar o reto de mellorar a posición competitiva dos seus asociados, co conseguinte incremento da rendibilidade de xeito sustentable.

Que por canto a Consellería do Mar e o Clusaga están interesados na potenciación do sector da pesca e da acuicultura, buscando mellorar a competitividade das empresas, e considerando que a capacitación para a dirección e internacionalización pode desempeñar un papel clave na mellora desta, procuran avanzar conxuntamente no desenvolvemento de accións de innovación, internacionalización e certificación.

Que en canto que o Clusaga é a única agrupación do sector de alimentación en Galicia capacitada para executar o investimento inmaterial obxecto deste convenio de colaboración e que o programa de análise de internacionalización e capacitación empresarial Competemar é unha actuación única promovida polo propio Clusaga, non sería posible promover a concorrencia competitiva con outras asociacións do sector.

CUARTO:

O Regulamento (UE) 2021/1139 do Parlamento Europeo e do Consello do 7 de xullo de 2021 polo que se establece o Fondo Europeo Marítimo, de Pesca e de Acuicultura, e polo que se modifica o Regulamento (UE) 2017/1004, establece no seu artigo 3 que o FEMPA contribuirá á aplicación da PPC e da política marítima da Unión, tendo entre as súas prioridades a de fomentar as actividades sustentables de acuicultura, así como a transformación e comercialización de produtos da pesca e a acuicultura, contribuíndo así á seguridade alimentaria na Unión (Prioridade 2).

No artigo 26 do devandito Regulamento (UE) 2021/1139 establécese que o apoio no marco desa prioridade 2 abarcará intervencións que contribúan á consecución dos obxectivos da PPC establecidos no artigo 2 de Regulamento (UE) 1380/2013, por medio da consecución de determinados obxectivos específicos, entre os que se atopan o de promover a comercialización, a calidade e o valor engadido dos produtos da pesca e da acuicultura.

O programa "Fondo Europeo Marítimo, de Pesca e de Acuicultura: Programa para España" contempla, de cara a acadar o obxectivo específico 2.2 a través da "mellora da comercialización mediante campañas de promoción dos produtos pesqueiros e acuícolas", apoiar accións de promoción, apertura de novos mercados e consolidación dos xa existentes. En concreto, contéplase apoiar operacións consistentes en campañas de comunicación e promoción dos produtos e a actividade de pesca sostible, a organización e participación en feiras, congresos, eventos, seminarios e exposicións, promoción de produtos con dificultades para a súa introducción nos mercados, así como proxectos de análise que sirvan para avaliar e planificar a dirección e impacto das campañas de promoción dos produtos e as actividades da pesca e a acuicultura, de cara a busca de novos mercados.

Deste xeito o Programa céntrase na mellora competitiva no sector mar-alimentario implicando unha estratexia integral que abranga diversos aspectos, dende a mellora da eficiencia operativa ata consolidar a introducción no mercado. O desenvolvemento con éxito deste programa pode conducir por tanto a unha mellora significativa na competitividade das empresas participantes.

Polo tanto, o obxecto do presente convenio considérase que cumpre cos requisitos de elixibilidade establecidos no Programa Operativo do FEMPA 2021-2027 de España.

Así mesmo, consideraranse elixibles todos os custos, IVE incluído, segundo o previsto no artigo 64 do Regulamento (UE) 2021/1060, do Parlamento Europeo e do Consello, do 24 de xuño de 2021, polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados.

Ademais, de conformidade co disposto no artigo 41 do REGULAMENTO (UE) Nº 2021/1139, de 7 de xullo, polo que se establece o FEMPA, dado que o beneficiario da operación é un organismo público, a porcentaxe do investimento elixible é do 100% e, en aplicación do seu artigo 40, a porcentaxe de cofinanciación polo FEMPA é do 70 %.

QUINTO:

Á Consellería do Mar correspóndelle a realización de accións de promoción dos produtos da pesca e da acuicultura, así como a realización de accións que fomenten a competitividade das empresas; por isto é consciente de que a capacitación para adirección, a internacionalización empresarial, a mellora da calidade alimentaria e a procura da innovación son fundamentais para avanzar na mellora da comercialización.

SEXTO:

Que a Consellería do Mar e o Clusaga están interesados na mellora da competitividade das empresas do sector, a fin de manter o liderado de Galicia como potencia acuícola, e no reforzo da importancia da cadea mar-industria en Galicia, como instrumento con efecto multiplicador a nivel social e económico no ámbito local.

SÉTIMO:

Que as partes anteriormente referenciadas, consideran de mutuo interese a realización dunha serie de accións que redunden nunha mellora do sector acuícola e das industrias

relacionadas en materias tales como xestión eficiente, toma de decisión estratéxicas, internacionalización, calidade e seguridade alimentaria.

OITAVO:

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

En virtude disto, e dada a existencia dun interese coincidente, ambas partes acordan formalizar o presente convenio de acordo coas seguintes

CLÁUSULAS

PRIMEIRA.- OBXECTO DO CONVENIO

O obxecto do presente convenio é establecer as bases de colaboración entre a Consellería do Mar e a Asociación Clúster Alimentario de Galicia (CLUSAGA) para a coordinación de accións que redunden na mellora competitiva no sector mar-alimentario. O programa de accións específicas que se van a realizar derivadas deste obxecto divídese en catro programas :

1. ESTUDO DE INTERNACIONALIZACIÓN DO SECTOR MAR INDUSTRIA - ALIMENTARIO DE GALICIA

O obxectivo principal deste proxecto é proporcionar unha visión integral do estado actual e do potencial de internacionalización do sector mar-alimentario de Galicia, así como do resultado e impacto das accións de apoio ao sector que ven desenvolvendo a Consellería do Mar da Xunta de Galicia.

Para lograr isto, levarase a cabo unha análise macroeconómica do sector, unha análise DAFO específica para a internacionalización, unha identificación dos mercados estratéxicos máis relevantes, unha enquisa de avaliación de resultados das actuacións desenvolvidas pola Consellería entre as empresas do sector e a organización dun foro de internacionalización con obradoiros prácticos. O programa expón varias fases:

1. Análise macroeconómica do sector

2. Análise DAFO de Internacionalización
3. Análise de mercados estratéxicos
4. Enquisa a empresas do sector e análise de impacto das accións da Consellería
5. Foro de internacionalización do sector do mar

2. PROGRAMA COMPETEMAR INTERNACIONAL

A internacionalización é un instrumento chave que permite optimizar e garantir a competitividade das empresas aproveitando as oportunidades que ofrece a crecente integración dos mercados. Neste contexto é indiscutible a necesidade de capacitar ás empresas do sector para que poidan sacar o máximo proveito posible das oportunidades que ofrecen os mercados exteriores. O proxecto presentado proporcionará un paquete completo de servizos orientados á internacionalización para as empresas do sector mar-industria en Galicia, baseándose na formación e na información. A este efecto establécese un programa formativo para as empresas que poderán dispoñer das ferramentas precisas para elaborar a súa estratexia de internacionalización e seleccionar os mercados estratéxicos aos que se orientará.

O programa presenta tres obxectivos

1. Identificar novos mercados internacionais de oportunidade para o sector.
2. Dotar ás empresas do sector de ferramentas útiles que lle faciliten a toma de decisións na adopción de novas estratexias, optimizando os recursos dispoñibles, e que incrementen a súa competitividade nos mercados obxectivo.
3. Desenvolver a estratexia *in situ* coa prospección de mercados seleccionados a través de misións directas aos mesmos.

E varias fases:

Fase 0. Preselección de mercados internacionais e deseño do programa

Fase 1. Mellora da capacitación e capital humano no soporte á internacionalización

Fase 2. Servizos de información, análise de tendencias e prospección nos mercados obxectivo



Fase 3. Programa de misións comerciais internacionais aos mercados obxectivo

Fase 4. Avaliación, seguimento e reporte de resultados

3. PROGRAMA COMPETEMAR TASTE OF THE SEA

Este programa formula tres obxectivos

1. Aumentar a visibilidade e o recoñecemento dos produtos do mar de Galicia en mercados nacionais e internacionais.
2. Promover o consumo de peixe e marisco galego a través de experiencias gastronómicas.
3. Establecer relacións comerciais e gastronómicas que potencien a exportación e a presenza en novos mercados.

Inclúe varias fases

Fase 1: Preparación e planificación

Fase 2: Desenvolvemento da acción promocional coa organización de eventos gastronómicos en mercados obxectivo e a súa promoción a través de medios de comunicación e redes sociais

Fase 3: Avaliación e seguimento

4. PROGRAMA COMPETEMAR: PROGRAMA DE FORMACIÓN DIRECTIVA

No competitivo e dinámico mercado global do sector alimentario, e, en particular, entre as empresas do sector do mar, enfróntanse desafíos constantes, desde as dinámicas de rápida evolución dunha demanda que esixe produtos innovadores e saudables, ata a inseguridade xurídica que xera a cambiante regulación ~~uas~~ tendencias do mercado. Neste contexto, contar con líderes altamente capacitados e orientados ao éxito convértese nunha necesidade imperante para garantir o crecemento e a sustentabilidade das organizacións.

Neste contexto, o Programa Competemar inclúe un programa de dirección de empresas alimentarias, co propósito de impulsa-lo crecemento e a excelencia dos profesionais que integran as ~~empresas do sector~~ mar-alimentario. Este programa busca fortalecer as súas habilidades directivas e de liderado para fomentar o bo goberno, a eficiencia e o éxito nas

súas organizacións.

Obxectivos do programa:

- Comprender as claves da contorna así como os efectos que os ditos factores teñen no sector empresarial.
- Desenvolver unha visión estratéxica e global da realidade empresarial para contribuír á mellora dos resultados das compañías.
- Capacitar aos participantes na xestión eficiente de recursos financeiros e orzamentos, optimizando a rendibilidade e sustentabilidade das empresas do sector.
- Fomentar as habilidades directivas e de liderado necesarias para xerar equipos colaboradores e competentes.
- Debater sobre novas maneiras, máis eficientes, de asumir os retos que o mercado e a xestión do negocio na industria impoñen e desenvolver unha adecuada orientación ao mercado, aos clientes e aos consumidores.

O programa de dirección de empresas alimentarias organizado por CLUSAGA divídese en varios bloques temáticos, cada un composto por unha gran variedade de sesións que se estenden e afondan no bloque temático.

SEGUNDA.- CONDICIÓN ECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar á Asociación Clúster Alimentario de Galicia (CLUSAGA) polos gastos nos que incorre como consecuencia de levar a cabo as actuacións obxecto do convenio, cifradas na cantidade máxima de cento corenta e oito mil euros (148.000,00 €), con cargo a aplicación orzamentaria 16.02.723B 640.0, código de proxecto 2023 00197 S, do proxecto de lei de orzamentos xerais da Comunidade Autónoma de Galicia para 2025, sendo esta partida económica axeitada para asumir o custo desta acción por considerarse, pola súa propia natureza, como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar

neste ámbito e que non dará lugar a investimentos reais de carácter material.

Para a realización das accións obxecto deste convenio, a Asociación Clúster Alimentario de Galicia (CLUSAGA) contribuirá cun máximo cento corenta e oito mil euros (148.000,00 €), achega á que se poderán asignar custos de estrutura (persoal, materiais, instalacións, equipamento, etc.) que a entidade empregue no desenvolvemento das accións contempladas na cláusula primeira e responsabilizarse de organizalas na súa totalidade, en estreita colaboración coa Consellería do Mar.

De conformidade ao establecido no artigo 54. b) do Regulamento 2021/1060 pola que se establecen as disposicións comúns ao FEDER, FS+ FC, FTJ e FEMPA, serán elixibles os custes indirectos nos que incorra a entidade na súa execución ata un máximo do 15 % dos custes directos de persoal que se xustifiquen con cargo ao convenio.

No caso de que a execución das actividades contempladas na cláusula primeira e realizadas no marco deste convenio de colaboración non supoñan o gasto da cantidade máxima prevista nos parágrafos anteriores, cada unha das partes asinantes deberán asumir o 50% dos gastos nos que efectivamente se incorran, coa excepción de que a comisión de seguimento creada na cláusula quinta emita outro ditame.

A tramitación do expediente é ordinaria e anticipada de gasto e a eficacia deste convenio queda condicionada á existencia de crédito adecuado e suficiente, tendo en conta o disposto na Orde de 11 de febreiro de 1998, modificada respectivamente pola Orde do 27 de novembro de 2000 e pola do 25 de outubro de 2001, e existe crédito previsto no proxecto de orzamentos da Comunidade Autónoma para o exercicio 2025, aprobado o 17 de outubro de 2024 polo Consello da Xunta, xustificándose pola complexidade da execución e duración prevista dalgunhas das actuacións recollidas no presente convenio, que fan necesario o seu inicio nos primeiros meses de 2025.

As actuacións recollidas no presente convenio (Anexo A) son financiáveis, nun 70 %, con cargo ao Fondo Europeo Marítimo, de Pesca e de Acuicultura (FEMPA). Faise constar tamén a elixibilidade das actuacións que se pretenden a través da contratación que se propón no marco da Prioridade da Unión, Obxectivo e Medida do FEMPA: 2.2.2. Mellora da comercialización mediante campañas de promoción dos produtos pesqueiros e acuícolas. Feiras, prevista no artigo 26 Regulamento (UE) 2021/1139. Esta participación farase constar

en todas cantas actuacións se realicen ao abeiro deste convenio.

A Asociación Clúster Alimentario de Galicia (CLUSAGA) empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Poderanse facer pagos parciais contra da presentación das facturas polos investimentos inmateriais realizados, ás que se xuntarán as memorias de cada actividade e as certificacións actualizadas expedidas por cadansúa administración, que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa Administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica, para estes efectos.

Para facer efectivo o último pagamento presentarán a memoria final á que se fai referencia na cláusula terceira seguinte.

TERCEIRA.- OBRIGAS

A Asociación Clúster Alimentario de Galicia (CLUSAGA) obrígase a realizar as accións especificadas na cláusula primeira do presente convenio.

No marco do presente convenio, a Asociación Clúster Alimentario de Galicia (CLUSAGA) obrígase a facer constar a participación da Xunta de Galicia e do Fondo Europeo Marítimo, de Pesca e de Acuicultura (FEMPA) nas exhibicións publicitarias que teñan lugar no marco deste convenio.

Finalmente, e antes do 15 de novembro, presentará diante da Consellería do Mar unha memoria descritiva da realización do obxecto do convenio; así como unha conta de resultados en relación á finalidade do convenio, que abranca todos os gastos e ingresos nos que se incorreu na organización das accións obxecto do convenio.

Ademais, deberá achegar xustificantes dos gastos realizados, que consistirán, de forma xeral, nas facturas desagregadas e demais xustificantes de gasto de valor probatorio equivalente, contratos (de obra ou servizo) e nóminas, detallados ao máximo posible. Así mesmo, ~~deberá presentar~~ xustificantes de pago referidos ás facturas e demais xustificantes de gastos achegados. Os xustificantes bancarios deberán indicar o

número de factura ou facturas pagadas no caso de transferencias, así como o beneficiario, importe, emisor e data, entre outros, de tal xeito que se poida asegurar a rastrexabilidade da operación xustificada.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a Asociación Clúster Alimentario de Galicia (CLUSAGA) responsable das obrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMIENTO

Para os efectos de coidar do cumprimento do estipulado no presente convenio créase unha comisión de seguimento do mesmo, que estará composta pola persoa titular da Subdirección Xeral de Valorización dos Produtos do Mar, ou persoa en quen delegue, en representación da Consellería do Mar, e polo representante da Asociación Clúster Alimentario de Galicia (CLUSAGA). A dita comisión, que se xuntará a petición decalquera das partes, será o mecanismo de actuación conxunta para garantir a efectividade do convenio.

Neste senso, a Asociación Clúster Alimentario de Galicia (CLUSAGA) atenderá ás indicacións, suxestións e requirimentos que se lle formulen dende a Consellería do Mar en relación co obxecto do presente convenio.

Será necesario que durante a execución das diferentes actividades a Consellería do Mar dispoña de toda a información dos eventos e que dea o seu visto e prace antes da súa realización.

SEXTA.- VIXENCIA

A vixencia do presente convenio estenderase dende a súa sinatura e ata o 15 de novembro de 2025, non sendo susceptible de prórroga.

SÉTIMA.- RESOLUCIÓN



Serán causa de resolución do convenio as legalmente previstas, o mutuo acordo das partes e o incumprimento das cláusulas contidas no mesmo.

OITAVA.- CARACTER DO CONVENIO

Este convenio ten a natureza dos previstos no artigo 6 da Lei 9/2017, de 8 de novembro, de contratos do sector público e o seu réxime xurídico virá determinado polas estipulacións previstas no propio convenio e os principios xerais resultantes da citada Lei.

A tramitación do presente convenio é ordinaria e anticipada de gasto, e a súa eficacia queda condicionada á existencia de crédito adecuado e suficiente, tendo en conta o disposto na Orde da Consellería de Economía e Facenda de 11 de febreiro de 1998, modificada respectivamente pola Orde do 27 de novembro de 2000 e pola do 25 de outubro de 2001, que establece a posibilidade de tramitar anticipadamente expedientes de gasto. Existe crédito previsto no proxecto de orzamentos da Comunidade Autónoma para o exercicio 2025, aprobado o 17 de outubro de 2024 polo Consello da Xunta, xustificándose pola complexidade da execución e duración prevista dalgunhas das actuacións recollidas no presente convenio, que fan necesario o seu inicio nos primeiros meses de 2025.

NOVENA.- LITIXIOS

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán solventarse pola comisión de seguimento a que se refire a cláusula quinta. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso- administrativa.

DÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno, en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e no resto das

especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto, no lugar e data ao comezo indicados.

Pola Consellería do Mar

Pola Asociación Clúster Alimentario de
Galicia (CLUSAGA)

O conselleiro

O presidente


Alfonso Villares Bermúdez


Andrés Rodríguez Gómez



Anexo A: Orzamento das actividades do convenio de colaboración entre a Consellería do Mar e a Asociación Clúster Alimentario de Galicia (CLUSAGA) para a mellora competitiva das empresas do mar no ano 2025

Concepto	Canidade	Importe	Importe total	Achega Xunta de Galicia	Achega Asoc Clúster Alimentario de Galicia
ESTUDO DE INTERNACIONALIZACIÓN DO SECTOR MAR INDUSTRIA ALIMENTARIO DE GALICIA					
1. Recolección de Datos	1	8.000,00 €	8.000,00 €	4.000,00 €	4.000,00 €
2. Análise DAFO	1	1.500,00 €	1.500,00 €	750,00 €	750,00 €
3. Análise de Mercados Estratéxicos	1	5.000,00 €	5.000,00 €	2.500,00 €	2.500,00 €
4. Enquisa a Empresas do Sector	1	9.500,00 €	9.500,00 €	4.750,00 €	4.750,00 €
5. Foro de Internacionalización	1	9.000,00 €	9.000,00 €	4.500,00 €	4.500,00 €
6. Informe Final	1	6.500,00 €	6.500,00 €	3.250,00 €	3.250,00 €
		39.500,00 €	39.500,00 €	19.750,00 €	19.750,00 €
PROGRAMA INTERNACIONALIZACIÓN					
Fase 0. Deseño do programa e preselección de mercados.	1	10.000,00 €	10.000,00 €	- €	10.000,00 €
Fase 1. Mellora da capacitación e capital humano no soporte á internacionalización.	1	10.000,00 €	10.000,00 €	10.000,00 €	- €
Fase 2. Servizos de información, análise e programa de misións comerciais	2	22.500,00 €	45.000,00 €	22.500,00 €	22.500,00 €
Fase 3. Deseño e implementación de cheques de viaxe	12	2.000,00 €	24.000,00 €	17.000,00 €	7.000,00 €
Fase 4. Avaliación, seguimento e reporte	1	10.000,00 €	10.000,00 €	- €	10.000,00 €
		54.500,00 €	99.000,00 €	49.500,00 €	49.500,00 €
PROGRAMA VASO FERIA					
1. Deseño do programa e análise de mercado	1	5.000,00 €	5.000,00 €	- €	5.000,00 €
2. Contratación de chefs e colaboradores	1	5.000,00 €	5.000,00 €	- €	5.000,00 €
3. Organización do evento	1	24.000,00 €	24.000,00 €	20.000,00 €	4.000,00 €
4. Promoción e material publicitario	1	4.000,00 €	4.000,00 €	- €	4.000,00 €
5. Avaliación e seguimento	1	2.000,00 €	2.000,00 €	- €	2.000,00 €
		40.000,00 €	40.000,00 €	20.000,00 €	20.000,00 €
PROGRAMA DIRECCIÓN DE EMPRESAS ALIMENTARIAS					
1. Custo programa académico: deseño, coordinación e seguimento do programa. Honorarios relatores	1	77.500,00 €	77.500,00 €	38.750,00 €	38.750,00 €
2. Oficina técnica e materiais docentes, aulas e medios técnicos e outros	1	25.000,00 €	25.000,00 €	12.500,00 €	12.500,00 €
3. Custos de supervisión, xestión e coordinación	1	15.000,00 €	15.000,00 €	7.500,00 €	7.500,00 €
		117.500,00 €	117.500,00 €	58.750,00 €	58.750,00 €
Total Convenio		251.500,00 €	296.000,00 €	148.000,00 €	148.000,00 €

Os importes son con IVE incluído.